

მინდობითი ოჯახების კომუნალური დავალიანებების დაფარვის პროგრამა

მუხლი 1. პროგრამის მიზანი

პროგრამის მიზანს წარმოადგენს ბავშვის მინდობით აღზრდაში მიმღები ოჯახების კომუნალური დავალიანებების (ბუნებრივი აირი, ელექტრო ენერჯია) გადასახადზე შეღავათის დაწესება.

მუხლი 2. პროგრამის სამიზნე ჯგუფი მოსარგებლეთა შერჩევის წესი

1. პროგრამის სამიზნე ჯგუფს წარმოადგენს ქალაქ რუსთავში ქალაქ რუსთავში მცხოვრები ბავშვის მინდობით აღზრდაში მიმღები ოჯახები, რომლებიც ქალაქ რუსთავში რეგისტრირებულნი არიან განცხადებით მომართვამდე არანაკლებ 2 (ორი) წლის განმავლობაში უწყვეტად (წყვეტის შემთხვევაში რეგისტრაცია არ უნდა ფიქსირდებოდეს ქალაქ რუსთავის მუნიციპალიტეტის ადმინისტრაციულ საზღვრებს გარეთ). რეგისტრაციასთან დაკავშირებული შეზღუდვა ვრცელდება მხოლოდ იმ ოჯახზე, რომელიც ბავშვს იღებს მინდობით აღზრდაში.

2. პროგრამით მოსარგებლეთა რაოდენობა შეირჩევა ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მომსახურების სამსახურისათვის საქართველოს შრომის, ჯანმრთელობისა და სოციალური დაცვის სამინისტროს სსიპ სოციალური მომსახურების სააგენტოს მიერ მოწოდებული მინდობითი ოჯახების განახლებული სიის საფუძველზე. აღნიშნული მონაცემები შესაბამისობაში მოდის საქართველოს იუსტიციის სამინისტროს სსიპ "სახელმწიფო სერვისების განვითარების სააგენტოს" მიერ მოწოდებულ სიასთან.

3. პროგრამით გათვალისწინებულია სავარაუდოდ 35 ოჯახის დახმარება, რომელშიც ბავშვი მინდობით აღზრდაში იმყოფება

4. პროგრამაში ჩართვის მსურველმა ქალაქ რუსთავის მუნიციპალიტეტის მერიაში უნდა წარმოადგინოს შემდეგი დოკუმენტაცია:

- ა) განცხადება ქალაქ რუსთავის მუნიციპალიტეტის სახელზე;
- ბ) შესაბამისი სტატუსის დამადასტურებელი დოკუმენტი საქართველოს შრომის, ჯანმრთელობისა და სოციალური დაცვის სამინისტროს დაქვემდებარებული სსიპ "სოციალური მომსახურების სააგენტოდან";
- გ) განმცხადებლის პირადობის დამადასტურებელი მოწმობა.

5. გამონაკლისი ამ მუხლის 1-ლი პუნქტით გათვალისწინებულ საცხოვრებელი ადგილის რეგისტრაციასთან დაკავშირებით ვრცელდება იძულებით გადაადგილებული პირის სტატუსის მქონე პირებზე, რომელთაც დევნილის სტატუსის დამადასტურებელი დოკუმენტის მიხედვით, რეგისტრირებულ მისამართად უფიქსირდებათ - ქალაქი რუსთავი.

მუხლი 3. პროგრამის განხორციელების პერიოდი

პროგრამის განხორციელების ვადა განისაზღვრება 2018 წლის 1 იანვრიდან 2018 წლის 31 დეკემბრის ჩათვლით.

მუხლი 4. პროგრამის ბიუჯეტი

პროგრამის დაფინანსების წყაროს წარმოადგენს ადგილობრივი ბიუჯეტი. პროგრამის ბიუჯეტი 17 500,00 (ჩვიდმეტი ათას ხუთასი ლარი და 00 თეთრი), რომელიც კვარტალურად გადანაწილებულია შემდეგნაირად:

ბიუჯეტი	17 500,00 ლარი
I კვარტალი	5 750,00 ლარი
II კვარტალი	5 000,00 ლარი
III კვარტალი	3 750,00 ლარი
IV კვარტალი	3 000,00 ლარი

2.პროგრამით მოსარგებლეთა რაოდენობა შესაბამისობაში მოდის საქართველოს შრომის, ჯანმრთელობისა და სოციალური დაცვის სამინისტროს სსიპ სოციალური მომსახურების სააგენტოს მიერ ქალაქ რუსთავის მუნიციპალიტეტის მერიისათვის მიწოდებული მინდობითი ოჯახების განახლებულ ბაზასთან. პროგრამით მოსარგებლეთა დახმარება განხორციელდება პროგრამით მოსარგებლე ოჯახების ფაქტიური საცხოვრებელი ადგილის მიხედვით გაწეული კომუნალური გადასახადების (ბუნებრივი აირი; ელ. ენერჯია) ხარჯების დაფარვით, ამ პროგრამით განსაზღვრული წლიური ლიმიტის ფარგლებში.

3.კომუნალური გადასახადების მიმდინარე დავალიანებების დაფარვა ხორციელდება სს "ენერგო-პროჯორჯიასა" და შპს "სოკარ ჯორჯია გაზის" მიერ წარმოდგენილი ქვითრების საფუძველზე, ქვითრებში ასახული შესაბამისი თანხის ოდენობით.

4.ამ პროგრამით მოსარგებლე თითოეულ ოჯახს განესაზღვრება წლიური ლიმიტირებული თანხა 500,00 (ხუთასი ლარი და 00 თეთრი) ლარის ოდენობით, რომლის გახარჯვის შესაძლებლობა ექნებათ 2018 წლის განმავლობაში. განსაზღვრული ლიმიტის გადაჭარბების შემთხვევაში, გადაჭარბებულ თანხას აანაზღაურებენ ბენეფიციარები.

5.2018 წლის დეკემბრის დავალიანებების გადახდა მოხდება 2019 წლის იანვარში, სს "ენერგო-პრო ჯორჯიასა" და შპს "სოკარ-ჯორჯია გაზიდან" მოწოდებული ქვითრების საფუძველზე. (ამ პუნქტის მოქმედება გავრცელდეს მხოლოდ იმ ოჯახებზე, რომლებიც 2018 წელს სარგებლობდნენ არსებული პროგრამით და დეკემბერში არ ჰქონდათ ამოწურული პროგრამით დადგენილი ლიმიტი).

მუხლი 5. პროგრამის შედეგი

ქალაქ რუსთავში მცხოვრები (რეგისტრირებული), ბავშვის მინდობით აღზრდაში მიმღები ოჯახების მთელი წლის განმავლობაში ნაწილობრივ ან მთლიანად უზრუნველყოფილნი იქნებიან მათთვის საჭირო ბუნებრივი აირითა და ელექტრო ენერჯიით.

მუხლი 6. პროგრამის შემდგენი და მის განხორციელებაზე პასუხისმგებელი სამსახური

ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მომსახურების სამსახური.

წინო ქვირია

ქალაქ რუსთავის მუნიციპალიტეტის მერიის
პირველადი სტრუქტურული ერთეულის
ჯანმრთელობის დაცვისა და სოციალური
მომსახურების სამსახურის ხელმძღვანელი